

OHR apelira da se usvoje izmjene i dopune Zakona o ministarskim, vladinim i drugim imenovanjima

Autentično tumačenje člana 5. Zakona o Komisiji za vrijednosne papire FBiH, koje je Zastupnički dom FBiH usvojio 29. oktobra 2013., bitno doprinosi ograničavanju rizika na tržištu vrijednosnih papira FBiH i u cijelokupnoj privredi.

OHR želi pohvaliti Vladu FBiH i Zastupnički dom FBiH što su pokazali odgovornost uvrštavajući ovaj problem u prioritete i podržavajući njegovo rješavanje. Očekujemo i brzu reakciju Doma naroda FBiH kako bi se okončao zakonodavni proces usvajanja Autentičnog tumačenja.

Situacija u kojoj se našla Komisija za vrijednosne papire FBiH ukazuje na potrebu hitnog pronalaska sistemskog rješenja koje će osigurati institucionalnu stabilnost u Federaciji BiH.

S tim ciljem, Vlada FBiH predložila je izmjene i dopune Zakona o ministarskim, vladinim i drugim imenovanjima FBiH, koje omogućavaju da institucije od javnog interesa funkcioniraju i u slučaju neblagovremenih imenovanja u te institucije. Istovremeno, ove izmjene uvode mehanizam za onemogućavanje blokade u procesu imenovanja, kako bi se dao poticaj da se proces imenovanja završi na vrijeme.

OHR podržava sistemsko i sveobuhvatno rješenje koje predviđaju predložene izmjene i dopune Zakona o ministarskim, vladinim i drugim imenovanjima FBiH te poziva Parlament FBiH da ovo pitanje hitno razmotri kako bi se osigurala stabilnost institucija Federacije BiH.